



**SYGNA VGS**

*Lat ingen sjå ned på deg fordi du er ung, men ver eit førebilete for dei truande i ord og gjerning, i kjærleik, truskap og reinleik.  
1.Tim 4,12*

# Vår i lufta!



**Etter ein snørrik og noko kald vinter er det godt med sol og varme igjen. Det er vår i lufta på Sygna. Det skjer ei fornying av skaparverket. Blomar og blad sprett fram og det blir meir liv over alt.**

Samstundes skjer det ei fornying av internat og hus på Sygna. Dagligstova er fornya med maling og nye møblar. Det skaper trivsel og arealet blir meir attraktivt. Snart står resten av bada

på internata for tur. Det skal også trekkast nye kablar for internett på internata for å gje betre dekning og betre kapasitet. Ein legg og til rette for fiberkabel for betre hastighet.

Men det handlar ikkje berre om bygg og anlegg. Sygna er først og fremst ein skule med fokus på utdanning, danning, utrustning og førebuing for det som kjem. Ein skal utrustast for vidare studie eller arbeid. Fokuset for det pedagogiske personalet er difor også pedagogisk utvikling. Det er aldri noko ein vert ferdig med sidan elevar, kultur, kompetanssmål, kommunikasjonsformer og teknologi er i stadig endring. Samfunnet generelt er i ei enorm endring. Difor er læringsprosessar alltid i utvikling.

Vidare har det i dei siste månadene vore særleg fokus på korleis ein kan legge undervisning best mogleg til rette for dei minoritetsspråklege elevar. Det er sjølvsagt utfordrande å forstå dei ulike dialektane og forhalde seg til både nynorsk og bokmål i undervisninga for ein som har eit anna morsmål enn norsk. Det vert då ekstra viktig å snakke

tydeleg og forklare ord og uttrykk som kan vere spesielt vanskelege. Ei slik tilrettelegging gjer skulen betre for alle partar uavhengig av språkleg og kulturell bakgrunn.

Ja, det er mykje utvikling og endring, men samstundes er det viktig med faste haldepunkt i livet. Gud er trufast til evig tid. Han er og blir den same, ja til evig tid. Det synest eg er godt!



Bladet kjem ut 2 gonger i året.

Ansv. red.: Gunn Berit Bøthun  
Redaksjonen: Lin Åm, Helge Eilifsen,  
John Martin Høines og Bjørg Aase.

**Abonnementet er gratis.**

Bladet kan tingast ved å ta kontakt med skulen.

Bankgiro: 8220 02 90395  
E-post: [sygna@sygna.vgs.no](mailto:sygna@sygna.vgs.no)  
[www.sygna.vgs.no](http://www.sygna.vgs.no)

Forsidebilete: Frå russedåpen i slutten av april. Fotograf Magni Åm Risa

# Se bak deg når du går, er det noen som følger etter deg?

**UngLeder Norge er et lederutviklingskonsept laget av NLM ung, som vi har tatt i bruk på Sygna dette året.**

● Tekst og bilde: Louise Nilsson

Annenhver torsdag møtes 18 elever for å delta på samlingene som gir rom for både inspirasjon og refleksjon. UngLeder handler om å bli bevisst på sin rolle i samfunnet og i det kristne fellesskapet. Hvem er det jeg følger etter og hvordan preger det meg? Her får vi dele vår tro, høre god undervisning og gjennomfører ulike praktiske øvelser som hjelper oss å reflektere over ulike tema innenfor kristent lederskap.

Marit Beate Kyrvestad, Trond Kråvik, Kurt Arild Ohma og Louise Nilsson er med å driver UngLeder på Sygna dette skoleåret. Vårt ønske er at de som deltar på dette skal få vokse seg trygge i troen og dermed bli rusta til å stå i tjeneste for Jesus i ulike sammenhenger. Det er fint å få investere litt ekstra tid i de elevene som har lyst å være med på dette. Som ledere står vi aldri alene, vi trenger hverandre og vi trenger Gud. Jesus sier selv



*Fire av UngLeder-deltakarane dette året; Kristine Friborg, Anette Espevik, Grete Elisabeth Gjøre og Gunnar Hegle*

i Johannes 15,5 «uten meg kan dere ingen ting gjøre». UngLeder minner oss stadig om at Jesus spør oss om å følge etter Han. Fest blikket foran deg, på Jesus, og la Han prege din hverdag!

Vil du vite mer om opplegget, eller kanskje få med deg en undervisningsfilm? Gå inn på [ungleder.no](http://ungleder.no) for å finne ut mere om hva dette er!

# 中国任务

● Tekst: Gunn Berit Bøthun

**Oppdrag Kina er den norske oversetjinga på teikna i overskrifta. Og oppdraget til Sygnarussen er å hjelpe barn og unge i Kina til eit betre liv. Misjonsløpet er hovudinntekstkjelda til prosjektet som Monica Flaten og Aasmund Leirhaug har ansvar for ilag med russ18.**



Løpet skulle i utgangspunktet ha vore gjennomført i slutten av oktober, men blei på grunn av ein tidleg vinter heller flytta til vårfesten i april. 111 deltakarar tok beina fatt og la bak seg runde etter runde. Rundt bana sto støttespelarar, rundeteljarar, oppmuntrande foreldre og bekymra sponsorar og såg på at deltakarane gav alt for Kina. Innsatsen gav resultat, totalt 488 000 kr vart samla inn i løpet av 90 min. Dette er veldig imponerende, og dei løpsansvarlege er veldig glade og takksame.

Monica og Aasmund reiste i haust til ein by i sør-Kina for å sjå på arbeidet som dei er med på å samle inn pengar til. Begge sit igjen med mange inntrykk etter ei veke her, og Monica trekk blant mange ting fram det å få oppleve ein storby med mopedar overalt, besøk i minoritetspark og tur til landsbygda der ho fekk servert den beste maten under opphaldet.

I Kina blir eit av fem barn forlatne av foreldra sine, dette utgjør ca 60 millionar barn og tilsvarer innbyggartalet i Noreg x 12. Dei fleste blir igjen på landsbygden fordi foreldra må reise inn til

*Å gå trillebår rundt banen er tungt, prøv det den som vil.*



*Tre glade venner; Monica, Peter og Aasmund.*

storbyane for å arbeide. Barna kan ikkje bli med til byen fordi rettane til for eksempel skulegang og helse er knytta til heimstaden. Saman med myndigheitene i landet arbeider NLM for å betre barna sin kvardag. Dette skjer mellom anna gjennom International Child Development Program. Her får omsorgspersonar kurs i korleis dei kan oppdra barn gjennom dialog og i tillegg vise kor viktig det er å gje barna kjærleik og omsorg. NLM arbeider også for lovendringar som gjer det lettare for foreldra å vere ilag med barna sine.

I tillegg til den store gruppa med forlatte barn ynskjer russen å hjelpe barn og vaksne med funksjonshemming. Dette er ei av dei minst nådde folkegruppene i verda, og berre i Kina er det nesten 100 millionar menneske som har ei eller anna form for funksjonshemming. Monica og Aasmund var på besøk på ein lørdagsskule som er starta for denne gruppa. Her får barn og vaksne høyre at dei har verdi og dei får også lære om Jesus. På lørdagsskulen kan dei få jobbe med engelsk, syngje, rekne eller skrive kinesiske



*Det er nå fast tradisjon at rektor spring med rådgjevar Bjørg i sykkelvogn.*

teikn. For mange er lørdagsskulen det einaste aktivitetstilbodet dei har, og nå ynskjer NLM, med hjelp frå Russ18, å utvide tilbodet ved å starte eit dagsenter slik at dei kan få eit tilbod kvar dag. For Monica er det beste minnet frå Kina knytta til denne plassen. Historiane ho fekk fortalt om menneska som var der var sterke. «Mange av dei som var der hadde opplevd utrolig mykje vondt; menneske med store fysiske smerter i kroppen, og nokre av dei var også forlatne av foreldra og gøymt vekk i mange år. Men sjølv om dei har opplevd mykje vondt så møtte dei oss med glede og takkemd» seier Monica. Aasmund er også einig at Kinaturen var både spesiell og lærerik. Det å få sjå barna og møte dei som pengane våre skal gå til, var med å auke motivasjonen for prosjektet. Dei fekk sjå kor viktig dette arbeidet er og kor mykje det har å seie for dei som får denne hjelpa.

Ynskjer du å vere med å støtte dette viktige russeprosjektet kan du bruke kontonr 3805.10.22030 og merke betalinga med «gave»

## ■ Sygnaprofilane

# Hans Christian Knudsen og Sebastian Hjulstad

- Tekst og bilde: John Martin Høines

Hans Christian og Sebastian er begge politisk engasjerte. Dei representerer høvesvis SU og KrFU. Hans Christian sit i lokallaget, fylkesstyret og landsstyret til SU, han er styremedlem i SV for nye Sogndal kommune og sit i valprogramkomiteen for Sogn og Fjordane og Hordaland SV. I tillegg sit han i FN-sambandet sitt ungdomspanel. Sebastian er KrFU sin nye fylkesleiar og sit og i KrF sin programkomite for nye Sogndal kommune. Dei er med andre ord godt engasjerte i politikken.

Begge seier dei at det var litt tilfeldig at dei vart med i ein politisk samanheng, men dei vart raskt engasjerte. Hans Christian vart med på ein pizzakveld i regi av SU fordi han ville verte meir kjent med folk han gjekk i klasse med, same kveld vart han nestleiar i lokallaget der. Sebastian vart først motvillig med på eit møte lokalt, men vart raskt overtalt til vere med på landsmøtet for KrFU. Han vart meir kjent med partiet, noko som førde til engasjement og verv.

For Sebastian er det tema som menneskeverd, likeverd, sorteringssamfunn og men-



*Engasjerte elevar med viktige politiske leiarverv.*

neskeverd i møte med ny teknologi som engasjerer mest. Hans Christian seier at samferdsel, infrastruktur, lokaldemokrati og miljø er tema som gjer han engasjert. Dei oppfordrar unge til engasjere seg i politikken, både lokalt og nasjonalt. «Kven som helst, frå kor som helst har evna til å påverke samfunnet rundt seg. Ein må berre tørre å uttale seg og vise engasjement for saka si.», avsluttar Hans Christian. Me ønskjer begge lykke til vidare i politikken!

# Nye møblar i daglegstova

*Elise Lervik (t.v.), Ingrid Friborg, Peter Endresen, Benjamin Pedersen og Karen Emilie Jonasmo veit å verdsetja det nye møblementet.*

**Økobygget fyller ein nøkkelrolle på Sygna. Der finn ein kjøken, matsal, daglegstove, kafé og møtesal, og i løpet av det siste året har daglegstova blitt oppgradert.**

● Tekst og foto: Helge Eilifsen

No er dei gamle sofaene i skai skifta ut, og det er kjøpt inn fem nye sofagrupper. Den grå stoffet i møblane glir godt inn med nymalte veggjar. Hemsen er òg blitt lysare etter at den etterkvart mørke lakkoverflata er måla over med fargar i lyse gråtonar og dempa kvitfarge. I tillegg til sofaene er to bord med stolar òg komne på plass. Når brettspel blir tekne fram, er det like greit å samla seg rundt slike bord som ved salongborda. Slik inviterer møblementet til allsidig bruk.

Marit Beate Kyrvestad, internatleiar, har stått for innkjøp og det er gåver frå russekulla 2016 og 2017 som har gjort dette mogeleg. Begge kulla fekk inn meir enn innsamlingsmåla dei hadde sett seg, og då fall det òg noko på Sygna. Slike gåver bør helst koma elevane til gode på ein direkte måte, og då er nye møblar på fellesareal eit godt alternativ. Difor all takk til russekulla for omtanke for Sygna. Elevane er oftare innom daglegstova no enn



før - særleg i samband med måltida er dette ein flott møteplass. Og dei nemner òg dei nyinnkjøpte spela. Å samla seg rundt eit brettspel er triveleg samstundes som ein blir kjend med andre.

Nye møblar på eit rom ein stadig er innom har dermed positive ringverknader. Ein må tru at fornyinga av daglegstova gjer at økobygget framleis vil vera som som ein krumtapp i bygningsmiljøet på Sygna.

*Marit Beate Kyrvestad kan konstatera at sofaer med stoff gir god sitjekomfort at fargane i daglegstova står godt til dei nye møblane.*



# Menneskeverd og sorteringssamfunn

## - Tema som engasjerer

Laurdag 14. april fekk Sygna besøk av Sara Marie Grimstad frå organisasjonen Menneskeverd. Ho hadde ei temasamling for elevar, foreldre og tilsette der temaet var "Sorteringssamfunnet". Gjennom fakta, filmsnuttar og grublespørsmål for oss i salen, tok ho opp viktige spørsmål kring menneskeverd, livsrett, og kva slags samfunn vi ønskjer å ha.

● Tekst og bilde: Lin Åm

Dette er spørsmål som engasjerer, og Sygna-bladet snakka med nokre elevar for å få del i deira tankar om samlinga og emna som vart tatt opp der.

Marta Kjelby (2ST), Sander Fjærrestad (1ST) og André Høberg (1ST) kom til samlinga med ulikt syn på temaet, og med ulik politisk ståstad (Marta er aktiv i KrFU, og Sander i SU, mens André ikkje er tilknytt noko parti). Marta meiner at livet og menneskerettane startar ved unnfanginga, mens Sander er meir opptatt av verdien og rettane menneske har etter at dei er fødde, og legg til dømes vekt på at menn ikkje skal kunne bestemme over kvinner sin kropp.

Alle tre vil ha eit samfunn der menneske blir



*Marta, Sander og André ynskjer seg eit samfunn der all menneske blir tatt vare på.*

tatt vare på, med gode velferdsordningar og eit velfungerande barnevern, og der det er plass til menneske som er annleis. Informasjonen om at 9 av 10 foster som får påvist Downs syndrom blir abortert er døme på noko som sjokkerer alle, og André kallar det uetisk.

Ungdomane reagerer òg på ein filmsnutt som viser korleis unge jenter opplever press frå folk rundt seg til å ta abort. Dei ser kor viktig det er med eit støttande nettverk rundt mora, for å setje

ho i stand til å bere fram og ta seg av barnet, og at barnefaren må spele ei sentral rolle. Informasjon er òg viktig i denne samanhengen, og sjansen til å få ein relasjon til det vesle barnet.

Målet for temasamlinga var å gi informasjon om og bevisstgjere oss på sentrale spørsmål i arbeidet for å bygge eit inkluderande samfunn. Elevane våre er einige om at dette vart gjort på ein god, ikkje-dømmande måte, og at dei fekk noko å tenkje på og diskutere vidare.

## ■ Andakt

Kristin Belt Skutlaberg

# Et levende håp!

Lovet være Gud, vår Herre Jesu Kristi Far, han som i sin rike miskunn har født oss på ny til et levende håp ved Jesu Kristi oppstandelse fra de døde, til en arv som aldri forgår, aldri skitnes til og aldri visner. Den er gjemt i himmelen for dere, dere som i Guds kraft blir bevart ved tro så dere når fram til frelsen. Den ligger alt ferdig til å bli åpenbart ved tidens ende (1. Pet. 1, 3-5).

Som kristen er det fantastisk å ha et levende håp! Har du forresten tenkt på hva det motsatte av dette er? Et dødt håp - et håp om noe urealistisk, som ikke er «liv laga». Triste greier! Kontrasten blir derfor stor til et levende håp. Da Jesus stod opp fra de døde sprengte han døden sine definitive grenser. Jeg - som et Guds barn- født på ny fra den dagen han ble min frelser, har fått del i et levende håp gjennom Jesu oppstandelse. Det er fantastisk! Dette håpet handler om at selv om mitt liv her på jorden tar slutt, skal jeg få leve videre. Dette er en arv som jeg får helt gratis. Denne arven kan ikke forsvinne. Gud har selv sørget for det



*Kristin Belt Skutlaberg er styreleiar i styret for Sygna, og har til dagleg sin arbeidsplass på NLA Høgskolen i Bergen.*

ved å gjemme den. Eneste kravet for å være arving er at jeg blir bevart i troen på Jesus. Og ved tidens ende skal arven bli åpenbart, bli synlig.

Derfor, skriver Peter, kan dere juble av glede, selv om dere nå en kort tid, om så må være, har det tungt i mange slags prøvelser (v.6). Dette håpet gir meg en glede midt i hverdagens små og store bekymringer. Løft blikket og minn deg på at du har mulighet til å leve med en åpen himmel over livet ditt. God vår!

# Velkommen til ELEVSTEMNET

**I år vert elevstemnet 29. juni – 1. juli.**

5, 10, 20, 25 og 30-årsjubilantane er spesielt velkomne, dvs du som var russ (eller skulle vore det om du hadde gått alle tre åra) i 2013, 2008, 1998, 1993, 1988. Tidlegare tilsette er sjølv sagt også veldig velkomne! Det er oppretta facebookgrupper for alle kulla. Dersom du ikkje er med der kan du søke på Sygnaruss og årstal. Det er også facebookgruppe for tidlegare tilsette som heiter «Tidlegare og nåverande tilsette ved Sygna vgs».

# Tusen takk!

Vi ønskjer å takke alle dei flotte støttespe- larane vi har rundt om i landet. Tusen takk for pengegåver, forbøn og god marknads- føring av skulen. Vi er heilt avhengige av dykk alle og skulle så gjerne nådd kva einskild med ei personleg takk. Sidan det er vanskeleg å få til, voner vi du tek denne takka til hjarta!



# Førebyggjande arbeid innan psykisk helse

● Tekst og bilde: Bjørg Aase

Balestrand kommune og Sygna har eit godt samarbeidet kring psykisk helsevern. Nytt av året er eit undervisningsopplegg på seks skuletimar som Henrik Høberg (kommuneoverlege, fastlege og spesialist i allmenntilleggsmedisin) har gjennomført i alle Vg1-klassane. Dette er eit tiltak vi ønskjer å vidareføre dei komande åra. Vi bad Høberg fortelje litt om opplegget for sygnabladet sine lesarar:

«Formålet er å førebygge psykisk sjukdom, gje informasjon om korleis ein sjølv kan få hjelp og å rettleie i korleis ein kan hjelpe venner til å søke naudsynt hjelp. I tillegg peikar vi på risikapar som vi håper kan auke både trivsel og meistring, og som dessutan kan gje overskot for den einstilte og for fellesskapet.

Dei verksame ingrediensane er henta frå kognitive åtferdsterapi. Vi prøver å lære ungdommane sentrale prinsipp for t.d. å skilje tankar, kjensler og kropp slik at ein kan realitetsteste tankane og velje hensiktsmessig åtferd. Til dette nyttar vi pedagogiske hjelpemiddel som rollespill og ulike gruppeeksperiment.

Andre kommunar nyttar liknande opplegg. Vårt lokale opplegg er sjølvutvikla og etter



Ein engasjert Henrik Høberg formidla viktig kunnskap om psykisk helse.

kvart godt testa og kvalitetssikra. Dei viktigaste elementa inn mot denne målgruppa er nok eit oppgjer med tankelesing, - at ein trur ein veit kva andre tenker. Spesielt er dette nedbrytande når dette fører til negative tankar om seg sjølv, og at ein i sin verste konsekvens kan kome til å sidestille kva andre tenker med kva ein kan tenke om seg sjølv.

Sidan skulen bygger på eit kristent verdisyn blir modellane spegla i ulike kristen-teologiske refleksjonar. Det er ei glede for meg som kristen lege å kunne gjere dette.»

Vi spurte ein av elevane, Ådne Risa, om ein kommentar etter gjennomført kurs: «Eg synest det er veldig bra at Henrik Høberg kom og hadde dette kurset for oss. Noko av det vi har lært er å kjenne igjen vanlege tankefeil slik at vi lettare kan unngå dei, og korleis vi burde tenke for å bruke minst mogleg energi på unødvendige ting i kvardagen.» Sygna takkar for kursa og vi gler oss til vidare samarbeid!

## ■ Kvar vart dei av?

# Andreas Kleppe, russ 2006



### **Hva har du gjort etter åra på Sygna?**

I 2010 giftet jeg meg med Kine Vik som jeg ble sammen med da vi begge var russ på Sygna. Vi bor på Løren i Oslo og har to barn, en gutt på 6 år og ei jente på 2 år. Siden jeg forlot Sygna har jeg uavbrutt enten studert eller vært ansatt ved Universitetet i Oslo, der jeg nå jobber som postdoktor i et samarbeid med Radiumhospitalet.

### **I høst disputerte du med en doktoravhandling i digital bildeanalyse. Kan du med folkelige og forståelige ord fortelle hva forskningen din bidrar med?**

Målet med forskningen er å utvikle nye metoder for å gjøre datamaskinen i stand til å forutsi hvilke kreftpasienter som trenger mer behandling og hvilke som ikke har behov for så mye behandling. Så langt har vi gjort dette ved å studere millioner av digital bilder av kreftcellkjerner som er farget med et stoff som binder seg til DNA, noe som muliggjør analyse av hvordan DNA er organisert i cellekjernene. Basert på denne analysen har vi utviklet nye automatiske metoder for å anslå hvor sannsynlig det er at kreften tar livet av pasienten og vist at denne informasjonen kan forbedre anslagene man i dag gjør på sykehusene ved bruk av andre metoder.

### **Hva betydde Sygna for deg?**

Først og fremst ser jeg tilbake på tiden på Sygna som en ypperlig sosial periode med mye latter, tull og hygge. Det er vanskelig å forestille seg hva det konkret betydde for ettertiden at jeg gikk på Sygna og ikke en annen videregående skole, men generelt tror jeg det å tilbringe noen ungdomsår i et trygt, men samtidig sosialt intenst miljø som Sygna, kan bidra til at man modnes som sosiale og etisk bevisste personer. For min del ble en direkte konsekvens av å gå på Sygna at jeg ble kjent med min fremtidige livspartner, men med Kirsten Gifttekniv som rektor og tante så kunne det vel ikke gå annerledes.

*Andreas Kleppe (russ 06) og kona Kine (russ 06) saman med borna Jonathan og Othilie.*

# Aktive elevar i variert undervisning

**Barne- og ungdomsarbeidarlinja jobber på mange ulike måtar. I vår har dei både underv-  
ist medelevar og sett opp ei eiga framsyning.**

● Tekst og bilete: John Martin Høines

I arbeidet med sosial kompetanse kom BU-klassen med ønske om å undervise medelevar på skulen. Prosjektet dei drog i gang gjekk ut på at dei skulle legge til rette for at andre skulle kunne utvikle sosial kompetanse. Dei hadde undervisning om empati og handlingar som kan styrke eigen og andre sin sosiale kompetanse. I tillegg rettleia dei medelevane på studiespesialiserande og kunst, design og arkitektur, slik at desse sjølv kunne medverke til utvikle sin sosiale kompetanse i praksis.

Medelevane vart utfordra på å laga eit litterært program for dei eldre på helsetunet. I arbeidet fekk dei rettleiing på korleis dei burde legge opp framsyning for å kommunisere godt med bebuarane på helsetunet. Det litterære programmet vart ein suksess, med mellom anna solosong, allsong og diktlesing.

Bu-elevane har og hatt si eiga kulturelle produksjon å jobbe med. Dei bruker ei veke på å jobbe fram manus, planlegge framsyning, øve og presentere resultatet for publikum. I



*Dyrene i Hakkebakkeskogen vart godt mottekne av barneskuleelevane*

år var det elevar frå barneskulen som fekk sjå Hakkebakkeskogen i teaterveka.

Felles for begge prosjekta er at elevane må planlegge, samarbeide og jobbe sjølvstendig over ein periode. Det er krevjande arbeid, men og lærerikt, både for BU-elevane, men og for andre som får nytta godt av engasjementet og kreativiteten deira.



# «1819-1918-2018»

## - Ny kunst i gammalt hus

**Elevane våre i 1.-3.klasse på Formgjeving/  
Kunst, design og arkitektur har sidan novem-  
ber jobba med prosjektet «1819-1918-2018»,  
som er del av ei ungdomssatsing i regi av  
Kunstbygda Balestrand AS.**

● Tekst og bilde: Lin Åm

Under rettleiing frå faglærer Giuseppe Miconi og prosjektleiar Elisabeth Tonheim har elevane skapt kunstverk i fleire av romma i Lisahuset, eit hus frå 1870-talet som står attmed Kviknes Hotel. Utstillinga er inspirert av Balestrand si historie frå starten av 1800-talet og fram til i dag, og tittelen er henta frå viktige tidspunkt i denne historia:

1819: Den første kunstnaren kom til Sogn og let seg inspirere av naturen og lyset. Etter han følgde mange store målarar, både norske og

internasjonale. Slik vart Sogn og Balestrand kjend, og talet besøkande auka.

1918: Markerte starten på ein ny epoke, ved at kunstnarkolonien som hadde etablert seg i Balestrand frå slutten av 1800-talet, døydde ut etter 1.verdskrig. Men Balestrand som turistdestinasjon var godt etablert, og denne satsinga utvikla seg vidare.

2018: I dag aukar medvitet rundt den tette symbiosen mellom kunst og turisme, og denne utstillinga er eit døme på det.

Det flotte, gamle bygget blir med sine spor og vakre detaljar eit symbol på historia, og den nye kunsten som blir tilført spring ut frå det gamle, integrerer historia i det nyskapte, og får fram ein ny heilskap. For elevane, både innfødde og tilflytta, har det vore givande å bli betre kjent med historia til bygda vår, og for oss andre er det spennande å sjå kva dei har fått til.

